

聽春

雨闌

樓雜

詩詠



圖 4

圖 5

圖 6

圖 7



聽
雨
樓
詩

石嘉吉 著

中
華
書
局

叢書集成初編

春 閨 雜 詠（及其他二種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 一 一 五

久聞吾宗有遠梅先生。吳中詩人也。惜余宦游四方。未及修士相見之禮。此冊爲令子藹士所作。志和音雅。守唐賢之正宗。觀此可以知其家學矣。嘗見近世詩人。好矜奇而炫異。或臚陳典故。滿紙以夸其腹笥之富。或吐棄一切。故爲可解不可解之語。以鳴其高。曾不思嚴滄浪之論詩也。曰。詩有別才。非關學也。詩有別趣。非關理也。彼喜爲英雄欺人之語者。與古風人之旨相去遠矣。如此詩清才妙旨。一往有真性情在其中。是可以砭時俗之膏肓矣。八十老人韞玉跋。

聽雨樓詩

清 吳縣石嘉吉藹士著

秋日同陳雲樵笠耕昆仲尋吳瘦夫先生墓不得

達觀身世等浮漚。此日難尋土一邱。數卷文章皆涕淚。全家生死仗交游。林空臘有蒼煙滿。山暗惟餘落照愁。墓上正當衰草合。九原應亦怕逢秋。先生有人生如夢之句。

采菱曲

西風颯颯吹寒塘。碧雲如水水氣涼。菱角菱花滿波面。紫莖刺短浮根長。吳娘結伴蕩雙槳。欸乃一聲搖夕陽。鏡裏夫容豔倒影。輕羅低拂水爲香。望斷前溪煙水闊。碧雲何處是郎鄉。郎情願得似明月。夜夜清輝照晚妝。采罷歸來輕撥棹。莫教驚起雙鴛鴦。

秋山旅行

山外復青山。山山積翠環。萬重秋色裏。匹馬遠行還。人影斜陽下。蟲聲敗葉間。雲中雞犬在。投宿叩柴關。

戲效西昆體

消息殷勤託紫鸞。相思縹緲碧雲端。霜凝翠瓦風初冷。花到湘簾月又殘。蘭麝常薰雲錦帳。明珠不定水晶盤。銀河終古無波浪。何事黃姑會面難。

冬日泛舟西湖

夙昔殷企慕，欣茲身歷境。游侶冬日稀，獨來契幽靜。晨旭融湖光，木落見諸嶺。四圍山翠合，澄波涵虛影。蕩槳湖中來，朔風迎面冷。

長隄界明鏡，湖光內外通。一棹蕩寒碧，六橋連彩虹。岸柳如有待，想見春時容。晨煙散冷翠，幽林媚疏紅。高峰峙雲外，朵朵青芙蓉。悅茲山水趣，蒼翠羅胸中。

飛來峰

一拳特聳秀，削起絕土壤。何來鬼斧工，怪異空想象。中啓石院幽，鑿壁列佛像。僂僂入洞行，仰睇忽明朗。一綫露微碧，天仄不盈丈。佳境信神奇，流連獨幽賞。猿嘯不可聞，滿谷松風響。

除夕

除夕他鄉過，淒然對短檠。一樽僧院酒，時寓僧舍獨夜故園情。壁暗燈將燼，衾寒夢未成。遙知閨閣裏，兒女話歸程。

歸來

堂上思兒切，歸來轉泫然。別離纔匝月，時序又經年。游子風霜苦，親心曉夜懸。今朝欣聚首，笑語酒樽前。

讀離騷

誰繼投書弔汨羅，予懷渺渺奈愁何。秋風山鬼窺修竹，空谷佳人戀碧蘿。畫就蛾眉心已妬，鼓殘瑤瑟水

生波。古來名士能相假。一卷時攜對酒歌。

與芝泉話鄧尉諸勝擬游不果

春色來天外。香浮萬壑中。不分花遠近。祇覺氣空濛。雙屐何時蠟。一尊未許同。還憑今夜夢。飛渡太湖東。

江干早發

江干無更漏。寒雞中夜啼。披衣呼伴侶。起問夜何其。僕夫駕車待。發輒猶恐遲。殘月亂人影。曉霜凝馬蹏。拂面朔風寒。游子有餘悲。行行天漸曙。邨落炊煙低。野老起獨早。支筇倚柴扉。晨光散衆鳥。寒蔬滿霜陂。川原窮往復。修垌遵逶迤。日午入村店。拂我身上衣。主人念同鄉。款曲情依依。爲言當歲暮。碌碌復何之。我感主人言。卻立重咨嗟。祇爲衣食謀。況瘁奚敢辭。長途望浩渺。何時遂言歸。

渡江

布帆一幅趁輕颺。入望長空宿霧消。千點欲浮瓜步樹。兩山爭扼海門潮。飄零歲暮悲歌起。浩蕩胸懷濁酒澆。自古難憑天塹險。興亡遺事弔南朝。

妖鳥行

夜冥冥。月陰陰。風瑟瑟。雲沈沈。有聲從空來。淒惻傷人心。時止復時作。飛飛復若集。誰屋淒涼哀婉不堪聽。恍惚有如衆鬼哭。初聞意驚疑。細聽神寒縮。我聞此鳥生墓間。妖異幾同見怪鵬。飛鳴所經最下門。庭旦暮有死喪。是時吾母正病亟。醫禱無靈神傍徨。一燈慘淡光如豆。星星鬼火明空房。屋上烏。

絕聞聲更覺心驚惶。爾來亦何爲。拊膺呼彼蒼。吁嗟乎。庭氏弓矢不爾射。鷹隼搏擊不爾傷。任爾暮夜城
市來飛翔。獨不見風摧巢傾。母鳥死。子鳥嗷嗷啼不已。未盡生平反哺心。徹夜哀鳴似怨爾。

渡江望焦山不果登

中帆遙從京口來。江波掀舞何雄哉。生平雲夢吞八九。到此頓覺胸懷開。劃然蒼翠落我眼。空中忽現金
銀臺。海門奔濤瀉萬里。一竿特立空江隈。初日杲杲離海嶠。水面湧出紅玫瑰。山名猶傳隱君姓。江流一
去何時回。安得停舟向山足。振衣獨上窮崔嵬。瘞鶴亭前尋往跡。古碑一讀懷奇才。土花繡蝕周代鼎。摩
挲白晝生風雷。登高憑眺眼空闊。江海一氣含胚胎。高風千古空想像。遙呼孝然傾千盃。柁樓咫尺不得
上。端如隔水看蓬萊。揚帆竟向瓜州渡。名山回首神徘徊。勝境相逢未游覽。如余應爲山靈咍。

旅中對月

獨客誰與語。羈愁觸緒生。如何今夜月。只向旅人明。濁酒不成醉。暮蟬空自鳴。鄉書珍重得。三復對孤檠。

目斷

目斷飛雲天外遙。空庭竹樹晚蕭蕭。二分明月揚州夜。廿四橋邊獨聽簫。

秋庭十詠 存四

秋海棠

垂垂小朵力難支。綽約臨風絕世姿。腸斷玉階秋色冷。更無人處立多時。

黃蘋

名花移得自江濱。出水亭亭鬪豔新。曾記歌聲來遠浦。鵝黃衫子採蓮人。

玉簪花

冰霜爲骨玉爲肌。垂暮庭前發數枝。秋雨淒風思遠客。不堪敲斷燭紅時。

牽牛花

尋芳獨立短籬邊。翠蕊盈盈挹露鮮。最愛山邨秋曉後。花光遙映蔚藍天。

七夕

銀河一片影。萬古此離愁。我欲乘槎去。臨風問斗牛。夜深天宇靜。雲冷鵲橋秋。脈脈深情在。幾曾歎白頭。

廢將

酒酣撫髀起長歎。萬里封侯願竟虛。潮上歸來逢醉尉。湖頭獨往策疲驢。殘宵夢落三邊外。回首魂驚百戰餘。閒把吳鉤燈下看。退耕肯遂事犂鋤。

贈劉勉齋

良友論文樂。清宵逸興增。殘尊遲夜月。長話聚寒燈。意氣干雲上。文章健筆凌。佇看豐羽翮。霄漢任飛騰。

抱劍吟

一燈如豆搖殘照。匣底吳鉤作龍嘯。危牀拂拭把劍看。明月忽墮星離垣。壯懷橫觸鳴雞聲。我作悲歌劍

其聽爾既不能紫氣騰。重淵直射斗牛光。燭天博物幸邀知者顧。雙飛水底龍蜿蜒。我又不能抱爾侯門倚。自喜沾沾街薄技。此生兀傲本性成。彈鋏求魚良可鄙。嘖嘖今何鳴不平。中宵使我夢魂驚。行將挂爾深山裏。獨把犁鋤隴上耕。

題天女散花圖

點點紛飛似綵霞。翩翩舞袂御風斜。游仙願得成佳夢。爲爾天壇掃落花。

冬夜有懷

燭影籠虛閣。殘杯獨自銜。新寒憐翠袖。舊恨淚青衫。月落柝聲急。雞鳴霜氣嚴。伊人眞室邇。迢遞達瑤函。

西山探梅

空山春意動。索笑抱琴來。一曲林間奏。梅花無數開。寒雲凝碧嶂。孤鶴下蒼苔。幽絕忘歸去。還愁暮色催。

虞山舟中遇雨

羣山列屏障。青蔥若染黛。曉起推篷看。終朝欣晤對。微雲一縷生。冉冉極變態。須臾偏邱壑。山形驚破碎。前村認模糊。遠樹遞明昧。細雨隨風來。廉纖洒篷背。流水如我心。滌蕩清塵穢。

玉蘭花下放歌

白雲天半來。飛飛墮檐端。輕風一夜忽吹散。妝成玉樹圍雕闌。臨風影歷亂。但覺花光明。恍如羣仙朝玉京。星旄月羽空中行。明月欲素花晶瑩。花間疑有人吹笙。瓊林珠樹眩銀海。春霧襲衣香氣清。一尊獨向

花間酌。憶我看花纔總角。展書日就花下來。孤幹扶疏剛及屋。戊申歲先大父手植灌溉栽培二十年。高枝密蕊欲參天。風塵浪迹韶華過。每到花開倍黯然。漫道謝家有寶樹。階除早得沾雨露。散木豈知植道旁。拳曲難邀匠伯顧。凌雲有志更懷漸。屏跡巖阿亦自甘。手澤摩挲思往事。樹猶如此我何堪。

初夏泛舟白隄

七里濃陰接翠微。水禽拍拍並低飛。蒼茫鬱氣蒸新暑。掩映湖光帶夕暉。捲幙高樓開笛起。衝波小艇載花歸。招涼最愛荷風過。開拓篷窗解袷衣。

中秋對月

今夜若無月。天爲我輩愁。宿雲晚來斂。萬里澄素秋。特開金鏡滿。照我花間樓。我持一尊酒。獨坐樓上頭。涼深蟲語歇。露浥桂香浮。邀月月不飲。願月且少留。良宵恆苦短。不樂復何求。神仙固所願。未遑服食謀。有酒復有月。已作仙山游。

題劉勉齋聽簫圖

桂樹團團玉露零。西風涼月滿空庭。鸞吟鳳吹來雲外。花下牆陰獨立聽。獨來花徑步縈紆。嫋嫋餘音聽欲無。他日畫樓更倡和。倩人更寫教簫圖。頻年邗水幾停橈。月下曾來廿四橋。今日披圖重裱觸。不堪回首憶吹簫。

古柏行

柏在吳中郡廟相傳爲周公瑾所植

老幹拔地凌青雲。蒼蒼猶帶古時春。風霜閱歷二千載。默爲呵護疑鬼神。風流雖邈猶留蹟。想見當年手植人。當時將相江東美。周郎年少猶英偉。君臣契合禮遇隆。東歸治舍曾居此。論自居巢東歸於吳吳土爲之治舍相傳此卽其故址嘉樹庭前手自栽。凌空枝幹何崔嵬。才幹如君誠大器。盤根錯節棟梁材。貞堅獨具凌寒操。游說空勞敵國猜。英風想像今如在。手澤肯教付劫灰。變遷第宅悲陵谷。今爲道院撫樹低徊增感觸。蒼鬱今看羽士家。婆娑曾蔭藏嬌屋。垂垂蘿蔓冒枯枝。白日駸駸竄空腹。法宮春暖映檐青。丹竈煙寒繞樹綠。夜半枝頭風雨聲。如聞當日人歌曲。君不見錦官城外丞相祠。森森會賦杜陵詩。勳業千秋兩不朽。甘棠同繫後人思。

書慰北涯

把酒澆愁愁轉增。文章聲價總難憑。悲深局促當轅驥。望斷飛揚脫臂鷹。春雨未生三月浪。寒宵辜負十年燈。花開花落尋常事。不是東風有愛憎。

毘陵舟夜

孤舟水宿夜篷背。帶霜濃。帆落過橋月。風傳到枕鐘。寒宵嫌酒薄。短夢到家慵。嘹唳南來雁。那堪客路逢。雪後登樓懷遠。

風雪滿天地。梅花空一林。含愁遲對酒。微白辨遙岑。詩興虛驢背。寒煙淡鶴心。美人渺何許。樓外暮寒侵。橫塘竹枝詞。

打槳遙從背浦還。帆隨橋轉水迴環。楞伽一塔如鍼小。已落船頭指顧間。
門前春水漲微波。屋後雲山擁翠螺。細雨斜風寒食節。畫船載酒往來多。
何來竹笛韻偏遙。關鴨關邊接小橋。十五吳姬新度曲。對人解唱雨瀟瀟。
闔閭城外柳枝黃。吳娘打槳出橫塘。無數落花飛不盡。偏教蓬背壓殘霜。

題周九齋履平思危圖

古人慎居恆。坐亦戒垂堂。矧乃事舟楫。變起尤非常。示我思危圖。展卷爲徬徨。
聞君涉中浦。隨波泛輕航。海舶艤岸側。如林列帆檣。巨纜亘水中。從橫羅網張。舟行觸其內。
禍變難周防。帆傾舟轉側。乞救勢倉皇。人力旣莫施。號呼禱上蒼。時危智力生。
距躍數仞強。超身登巨艦。幸獲免斯殃。事後繪爲圖。回首猶悚惶。君子戒懷安。
涉世恆吉康。道除多險阻。舉步當周詳。奚獨歷風濤。始宜慎行藏。乾惕日三省。
願君矢弗忘。

柳絮

著地因風復起。撲簾似雪還輕。鞦韆院落暮春晚。短長亭畔午晴。

同北涯農生自龍池踰天平嶺至白雲泉

沿山遵一徑。身已深山入。高步出林杪。掘衣事登陟。巖畔野花幽。沙際微流溼。
古洞闔蓮花。仙靈不可卽。破屋久塵封。繞戶生荊棘。山有蓮花洞。怪石何崢嶸。一一狀奇特。
危如馬飲泉。止如鳥戢翼。欹如支枕臥。端如執笏立。苔磴不容趾。舉步虞傾踣。
忽復值歧徑。徘徊嗟未識。我已鼓勇登。餘子猶佇立。僂僂捫蘿行。亟然

開茅塞。數步復迷途。轉笑予躁急。路轉造峰巔。豁然舒胸臆。下望有僧廬。於焉且少息。

自西塘進舟河頭村

楊柳綠不已。舟行疑路窮。溪迴露深港。忽與前村通。人家夾岸居。環橋綠樹叢。停舟傍古渡。散步攜短筇。花莫辨名。補綴籬間紅。年豐俗不擾。醇樸存古風。雞鳴日已午。餉饌雜村童。見客衣冠異。指示驚未逢。東皋臺笠聚。胼胝勞三農。不惜耕鑿力。奚貪造化工。風塵謝世人。天時測老翁。笑問武陵人。何似桃源中。

吳山廬墓

東縛茅茨翦棘榛。結廬窮谷絕無鄰。伶仃孤子深宵淚。寂寞南陔舊日春。月落墓門啼怪鳥。風淒原野閃寒燐。最憐生死交情見。今亦空山宿草陳。先君子樞未葬時。櫛眉庵中。京口楊時庵丈每至吳門。必至庵中。中棺。櫛哭。哭時。諱論吉以亟宜擇地安葬。今亦下世數載矣。挲手澤有遺文。才藻曾傳日下聞。舊學循牆慚繼志。新封抔土對斜曛。驚魂尙恨西泠雨。先君子以暑致疾。歸鶴猶隨海外雲。骨肉九原如聚首。空山應不歎離羣。與九叔父墓接壤。

孤懷悵悵欲何之。往昔韶光莫可追。學業箕裘諸弟少。艱難門戶一身持。盤匱已乏承歡願。泣涕空懷捧檄思。夜夜夢魂山麓繞。百年風木有餘悲。

秋日同臯涇侯游瑞光寺

一溪秋水度平疇。散步城南挈伴雙。古寺閒尋黃葉入。暮鐘遙帶冷雲攏。香飄寶樹禪心靜。響聽松風俗慮降。寂寞講臺殘照裏。空懷花雨下經幢。宋時高僧圓口宗本說法。於此有雨。雲花諸瑞。

水船行

城濠如溝渠。舟行如陸地。水以載舟。舟載水。城中水自城外致。篙楫不能施。進退俱失次。赤牒立水中。推之挽之良非易。或以肩承。或以臂汲。水首尾重易置。輕重前後形軒輊。奮呼鼓舞進無多。中途忍將強半棄。勤苦敢辭終日勞。蒼天早望甘霖賜。水中喘立試暫停。回首西山火雲熾。

白雲泉諸詠

鸚鵡石

巨石臨徑旁。銳出如鳥喙。人行出領下。俯首猶恐礙。笑我久忘機。無言且坐對。

玉筍

玉筍迸當階。澗竹繞寒煙。空亭不遇人。涓涓聞流泉。誰與坐莓苔。共參玉版禪。

茶竈

入門逢僧寮。延坐回廊曲。竹下煮春泉。佳味勝芳醪。輕煙不出山。終日林間綠。

文信國公綠端蟬腹硯歌并引

硯修廣各三寸餘。受墨處微凹。底圓而凸。象蟬腹。沿左邊至頂。刻謝臯羽銘。其文云。文山攀髯之明年。疊山流寓臨安。得遺硯焉。憶當日與文山象戲。譜玉簫金鼎一局。石君同在座。右銘曰。洮河石。碧於血。千年不死衰宏骨。歟。識臯羽二字。行書極瘦。乾隆丁未十二月。杭州臨平漁者網得此。

硯王仲瞿舟過相值以番錢二十得之後歸曾賓谷都轉

忠魂墨氣久沈抑深潭夜夜蛟龍泣碧血千秋永不磨綠雲一旦波中出臨平湖邊水茫茫碧波深處漁舟集龍尾觸網珊瑚碎犀紋騰彩琳琅溼孰爲護持質尙全題銘未被泥沙蝕背厚面均形製奇枯蟬頰腹戢雙翼文士遭逢固有緣手澤摩挲三歎息維公筮仕寶祐年射策金庭名第一硯田三寸筆如椽慷慨氣淋漓墨時危國事歎螭螳相業閒情鬪蟋蟀立朝苦恨日無多寇深頻報羽書急一旅勤王奮袂與孤臣九死難迴日空坑一戰繫南冠北來元鬢悲蕭瑟玉簷山空_{公所居}人不歸單騎見賊遭危逼數著殘棋一局終竟成識語理難測_{公精於象戲自製弈譜凡四十局始爲玉簷金鼎終名單騎見賊}石君此日遭流離輾轉臨安逢舊識一十三字銘厥旁哭石招魂淚沾臆猶憶象戲譜軍中與君同在信公側參軍亡後復何歸將毋蹈海甘隱匿神物終有自見時浪打泥蟠不改色流傳差異玉帶生再拜珍藏謹什襲嗚呼丞相英靈儼在茲開函不敢輕拂拭想見几旁草檄時墨光慘淡愁雲黑

雜詩

仁風被六合重輪燭海隅四靈集郊藪德化禎祥符耕鑿順知識謳歌效蠢愚笑茲田間翁獻曝忱區區懷中雙白璧價直重名都藉以紅錦段配以照乘珠可爲明陞薦可昭德信孚虹光起櫝中夜夜耀天衢列闕夾丹霞飛樓星斗纏大鼓撼如雷天門啓洞然仙吏擁雲車陸離繞祥煙華蓋隨其後霓旌導其前雙雙白鳳凰對舞何翩翹何來舊時侶停車笑拍肩飲我白玉漿贈我雲錦箋謂我骨珊珊詩心已雜仙